

四庫全書

子部

欽定四庫全書

六藝之一錄卷三百五十八

錢唐倪濤撰

歷朝書譜

元

台哈布哈

台哈布哈字蕙善巴延岱氏初名塔斯布哈文宗賜以
今名年十七江浙鄉試第一明年賜進士及第授集
賢修撰至正十一年遷浙東道宣慰使追贈江浙行

省平章事進封魏國公謚忠介善篆隸溫潤遒嘗

重類復古編十卷攷正訛字於經史多有據云

元史

台哈布哈篆書師徐鉉張有稍變其法自成一家行筆亦圓熟特乏風采耳常以漢刻題額字法題今代碑額極高古可尚非他人所能及正書宗歐陽率更亦

有體格

書史會要

台哈布哈自書所作詩

白野尚書向居會稽登東山泛曲水日與高人羽客

游間遇佳紙妙墨輒書所作歌詩以自適清標雅韻
蔚有晉唐風度予猶及見尚書先考郡侯敦龐質實
宛如古人而於華言尚未深曉今有子如此信乎國
家文治之盛然人知尚書才華之美而不知其政術
之可稱也每當論大事決大疑挺正不阿凜然有直
士風而貢舉得賢之效益可稱焉元泰身居方外而
與之友寶其詞翰亦有識之士哉

滋溪集

台哈布哈真書祈澤治平寺佛殿碑題跋已見

烏克遜良禎

烏克遜良禎字幹卿號約齋元中書左丞字流麗在

子山伯機之間

程敏政
堇墩集

余闕

余闕字廷心一字天心廬州人元統元年賜進士及第授同知泗州事俄召入應奉翰林文字至正十七年拜淮南行省右丞追封幽國公諡忠宣留意經術為文有氣魄詩體尚江左篆隸亦古雅可傳

元史

余忠宣小字似不經意而豐處有褚遂良潦倒處有楊景度林藻豈漫不留意於墨池者所能符合邪

紫桃

軒又綴

余忠宣篆書

右四大篆齋國忠宣公余闕為浦陽戴君叔能書至正九年公持使者節來鎮浙部濂偕叔能往見公獎厲甚至且各書齋扁為贈公去浙後江南大亂荆楚之域皆為偽漢陳友諒所據公時以淮南行省右丞

分治安慶前後皆盜區公乃獨守六年小大二百餘戰未嘗敗北不幸糧絕城陷公遂赴水死君子稱其大節與日月爭光信哉公文與詩皆超逸絕倫書亦清勁與人相類然其忠義之氣可以懼亂賊清惡厲天地因之以位君臣藉之以定斯豈細故雖所書不工猶當傳之萬世況能臻其妙者乎此紙所在定有神物呵護見者當如張中丞之詩段太尉之笏聳然起敬不可徒以翰墨視之公唐古氏余闕其名也字

廷心一字天心元統元年進士世居武威今為合肥

人翰林學士金華宋濂謹題

宋學士集

道通

道通高昌人自號石巖以世胄入官授直省舍人至

正十一年以平章政事行省江西加大司徒開府謚

忠烈

元史

道通工大字能作雙鉤書

書史會要

伯勒齊爾布哈

伯勒齊爾布哈字大用揚珠濟達氏授懷遠大將軍八
番宣撫司達魯噶齊至正二年拜江浙行省左丞相
召還除翰林學士承旨拜中書左丞相七年進右丞
相追封冀王謚忠宣

元史

伯勒齊爾布哈善大字

書史
會要

巴延布哈德沁

巴延布哈德沁字蒼崖輝和爾氏高昌王孫倜儻好
學初以父蔭同知信州路事又移建德路以功陞本

路總管至正十七年擢江東道廉訪副使謚曰桓敏

元史

巴延布哈德沁鮮于太常甥草書似舅氏

書史會要

慶通

慶通字明德喀喇氏早以勲臣子孫受知文廟至正

二十年拜陝西行省左丞相

元史

慶通器量弘重政教宣著善大字

書史會要

達實特穆爾

達實特穆爾字九成入國學為諸生讀經史悉能通
大義尤好學書初以世胄補官為太府監至正十五
年為中書平章政事出為江浙行省左丞相

元史

達實特穆爾能書大字學釋溥光小字亦有髣力

書史

會要

實喇卜

實喇卜字敬臣號山齋輝和爾人順帝之師也能詩文

兼工大字每與張翥論文翥多屈服

續弘
簡錄

石巖

石巖字民瞻京口人官至縣尹隸書學韓尚書

書史
會要

李敏中

李敏中字好古河南人官至陝西行省郎中工大字

書史
會要

張璪

張璪字公弁保定人官至集賢大學士封滕國公早

以才學知名篆書亦淳古可取

書史
會要

倪中

倪中字中愷信州人官至翰林待制正書端謹清潤

書史

會要

高翼

高翼字茂之南陽人官至嘉興路推官正行草書皆

從晉宋規矩中來但以不知六書偏傍時作謬字為

識者所鄙

書史
會要

翼善書小楷做樂毅論精悍整飭在揭曼碩之下所

傳極少

六研齋
筆記

汪從善

汪從善字國良杭州臨安人官至邵武路總管正書

亦合晉人紀律兼能大字

書史
會要

任仁發

任仁發字子明號月山松江人官至浙東宣慰副使

書學李北海

劉璋書
畫史

宗椿

宗椿字壽卿山東人官至江南行臺照磨書學王黃

華尤工大字

書史
會要

余謙

余謙字峻山池陽人官至江浙儒學提舉善古隸書

書史

會
要

孟昉

孟昉字天緯本西域人寓居北平至正中由翰林侍

制官南臺御史工書法

續弘
簡錄

劉楨

劉楨字廷幹燕南人官至福建行省叅政能書

書史會要

胡益

胡益字士弓鄱陽人官叅知政事真草師趙魏公都

下碑刻多其所書

書史會要

羅元

羅元字迂仁平江人行楷有晉人風致

書史會要

錢良佑

錢良佑字翼之平江人吳興趙公巴西鄧公數引拔之署吳縣儒學教諭已代去輒不復出晚自號江邨民人因以江邨先生稱之古篆隸真行小草無不精

絕

黃文獻公集

錢良佑至正間以書學名家

甫田集

良佑行書高朗卓越風格不讓鮮于困學

六研齋筆記

錢翼之書春遊詩卷

右詩一卷律絕共四十有五篇辭旨清麗書法道美

蓋前元時吳壽民仲仁者游吳中與諸文士春遊倡和之作而書筆悉出錢良佑翼之翼之吳人號江邨民雅以書學名家而詩律尤精有髙行年六十七卒於至正七年此至元三年書時已六十餘矣真行間出姿態橫生不少衰竭吳人徐宗毓氏藏此使人持以示余余惟吳中山水深秀自昔多文人游寓於時未被兵故得從容文酒如此壽民吳興人出處本末不少概見惟趙文敏嘗叙其詩所謂南山樵吟者稱

仲仁不以家事廢學故其詩清新華婉有唐人餘風
然其詩竟亦不傳非此卷之存固不能識其妙也

甫田

集

錢翼之四體千文

題跋已見

張性之

通通跋錢翼之四體千文卷云翼之書此以遺其佳
婿張性之蓋望於性之者其有深意乎性之儒而醫
好古博學者也暇則臨池日不下千餘字雖造次顛

沛一點一畫不苟駸駸逼翼之而窺古人之域自是

不止其當何如哉

鐵網
珊瑚

吳里

吳里字處仁號逸民錢塘人官至江陰州儒學教授

草書師鮮于太常

書史
會要

宣昭

宣昭字伯綱號艮齋漢東人有雅行博通古今尤精

翰墨正書師歐陽率更字字該備八法

書史
會要

鄭杓

鄭杓字子經羅源人泰定中辟南安儒學教諭與陳旅為文字友著衍極五篇衍極紀載三篇其書自倉頡迄蒙古凡古人籀篆以極書法之變皆在所論宣撫使齊伯亨采而上之作衍極堂以藏其書

何喬遠
閩書

鄭杓能大字兼工八分

書史
會要

余襄

余襄番陽人工篆而大字尤善

書史
會要

程君實

程君實涑源人草書有顛素之體

書史
會要

王翼

王翼字元徽號華陽生金壇人有所篆四書行於世

書史

會要

應在

應在字止善句章人工篆書嘗作篆隸偏傍點畫辨

行於世

吳炳

吳炳字彥輝汴人身安獻畝朝廷三聘不起工篆書

書史

會要

吳炳摹淮源廟碑題跋已見

邊武

邊武字伯京隴西人行草專學鮮于太常時有亂真

者

書史
會要

邊伯京書千文題跋已見

邊定

邊定字文靜

邊武子

正書學宣昭亦稱善

書史會要

俞鎮

俞鎮字伯貞嘉興人官至建德縣尹行草師李北海

書史會要

董復

董復字君復沂州人居鎮江書學鮮于太常

書史會要

李申伯

李

名闕其

字申伯官至集賢待制古隸專學孫叔敖碑

得方勁古拙之法

書史會要

林鏞

林鏞字叔大嘉興人官至江浙行省員外郎正書學

虞永興而未熟

書史會要

王務道

王務道字弘本山陰人古隸學孫叔敖碑

書史會要

吳志淳

吳志淳字主一曹南人古隸學孫叔敖碑

書史會要

吳志淳隸書國清禪寺興修記

題跋已見

洪恕

洪恕始學鮮于太常亦號能書者後乃放乎法度之

外無足觀矣

書史會要

洪恕字主敬金華人元末避兵

居松江能詩善行草書以教講授終

松江志

胡布

胡布字子申河南人有材氣善草書

書史會要

胡布得書法於宋克或謂與宋克同受學於紹興老

僧書學傳授

曹楚

曹楚字子學東平人善古隸書史會要

陳遠

陳遠字元達永嘉人官至崇文少監太子贊善志行

修整真草師二王不以規矩書史會要

鄭禧

鄭禧字熙之吳郡人亦善書

書史會要

朱振

朱振字良玉番陽人草學聖教序真師趙魏公

書史會要

蔣惠

蔣惠字季和號紫芝山人番陽人博學多通機敏有

幹略行草師鮮于太常多晉人氣格

書史會要

楊遵

楊遵字宗道浦城人徙居錢唐篆隸皆師杜待制

書史

會要

王默

王默書學趙魏公行筆甚健

書史會要

王默字伯靜一字子章松江人善論談喜讀書徵至

京師書金字釋典擬官翰林力辭歸求書者填戶張

天雨稱其豪宕不羈有姜白石之風

松江志

王餘慶

王餘慶字叔善婺州蘭溪人仕為江南行臺監察御

史以儒學名重當世

元史吳師道傳

餘慶草書學巖正齋甚似

書史會要

王順

王順字祖孝餘慶子善正書

書史會要

繆侃

繆侃字叔正詩工玉臺小體書善楷隸

玉山草堂雅集

鄔進禮

鄔進禮字行義武陵人書師趙魏公

書史會要

張體

張體字孟膚江陰人隸書時作顛筆勢蓋學李重光
金錯刀法而行楷亦善又雙鉤書極純熟可喜

書史
會要

陳膚

陳膚字思可會稽人學藝妍贍真楷宗智永

書史
會要

唐志大

唐志大字伯剛如隼人多蓄古法書名畫行草落筆

峻激畧無滯思

書史
會要

曹永

曹永正書學鍾元常行草學二王

書史會要

曹永字世

長松江人穎悟好學尤工八法至正間以蒙古字學

進除安州學正官至巡檢江浙行省辟為宣使

松江志

黃中

黃中字彥美武林人草亦可尚

書史會要

歐復

歐復字伯誠番陽人善古隸

書史會要

易履

易履字安道茶陵人能草

書史
會要

葛萬慶

葛萬慶廬山人居越州號越臺洞主能為詩務出人

不道語善草書酒酣落筆愈得其妙

書史
會要

衛德辰

衛德辰字中立華亭人素以材幹稱書學舍利塔銘

書史

會要

衛仁近

衛仁近字叔剛德辰姪楷書學黃庭經蘊藉有風致

書史
會要

章弼

章弼字共辰松江人篤志經史識度清遠未十歲即

能扁榜大字及長真行草篆皆師趙魏公

書史
會要

陳德永

陳德永字叔夏黃巖人德望清重書宗李北海

書史
會要

范守中

范

闕其名

字守中黃巖人博綜羣籍才行高潔書師趙

魏公州里碑碣所書為多

書史會要

楊彝

楊彝字彥常錢唐人登進士第官至翰林編修篆隸

正書咸可取

書史會要

楊惠

楊惠不知何許人任江南行臺監察御史善大小二

篆

書史
會要

龔觀

龔觀豫章人能篆

書史
會要

陶煜

陶煜字明元號白雲漫士上虞典史贈承事郎福建
江西等處行樞密院都事早歲學書於雪菴得其典

則

書史
會要

陶復初

陶復初字明本號介軒老人台州儒學教授贈從事

郎温州樂清縣尹小篆師徐張古隸師鍾梁

書史
會要

陶宗暹

陶宗暹一名文昭字晉生江淞儒學等處副提舉楷

書學歐陽率更

書史
會要

盛熙明

盛熙明其先曲鮮人後居豫章清修謹飭篤學多材

工翰墨亦能通六國書至正甲申嘗以所編法書考

八卷進上覽之徹卷命藏禁中

書史
會要

劉若水

劉若水字澹齋女直人喜弄觚翰

書史
會要

劉堧

劉堧字公坦

若水
子

童時趙子昂賞其秀異書小齋二

字貽之遂自號小齋工詩文精書法恬放自守至正

間辟帥府照磨不久謝歸

書畫
史

劉堧亦能篆

書史
會要

蕭鵬搏

蕭鵬搏字圖南本契丹人金王黃華甥博學多能詩

書畫皆追蹤舅氏

書史會要

甘立

甘立字允從河西人官至中書檢校才具秀拔亦善

筆札

同上

鄂倫圖

鄂倫圖字克莊西夏人官至山南廉訪使以文章

事業著書蹟亦佳

書史
會要

薩都拉

薩都拉字天錫回紇人登進士第官至淮西廉訪司

經歷有詩名善楷書

書史
會要

布哈特穆爾

布哈特穆爾字兼善官至江南御史大夫善大字

書史

會
要

喀喇布哈

喀喇布哈字普修雅爾喀幹人官至海北廉訪使篤志墳籍至於百氏數術無不研覽書宗二王

書史會要

巴克實

巴克實字彥卿喀喇人官至禮部尚書行草宗晉人

書史

會要

榮僧

榮僧字子仁回紇人登進士第官至江浙行樞密經

歷楷書師虞永興

書史會要

喜山

喜山字近仁輝和爾人官至集賢都事亦工書

書史
會要

音咱納實哩

音咱納實哩字處元輝和爾人楷書學虞永興而不熟

書史
會要

瓜爾佳希顏

瓜爾佳希顏居江右小篆清勁有法

書史
會要

馬九皋

馬九皋以字行回紇人官至太平路總管能篆書

書史

要會

馬九霄

馬九霄九皋弟亦能篆書

書史
會要

松壑

松壑以字行蒙古人士夫間多推其書

書史
會要

邊魯

邊魯字魯生鄴下人工古文奇字

書史
會要

劉有定

劉有定字能靜莆田人能知六書之旨

書史
會要

舒頔

舒頔字道原績溪人至元丁丑辟池陽教諭至正庚寅轉台州學正為詩蒼古不貴纖巧習字尤喜樸拙識者曰宗漢隸非八法也名其齋曰貞素學者稱曰

貞素先生

書史
會要

舒頔自作貞素先生傳云風清畫間或篆隸數章意

與筆悟則快然自得雖不逮斯繇然時人亦莫予解

貞素

齋集

韓與玉

韓與玉浙人能書廼賢長於歌詩王子充善古文

目為江南三絕

續弘
簡錄

楊元正

楊元正吉水人官翰林檢討善行草書其隸法師蔡

邕為時所重

續弘
簡錄

李康

李康字寧之桐廬人事母篤孝人稱李孝子工詩文
旁及書畫琴奕無不冠絕一時行省宰臣欲官之以

母老辭

續弘
簡錄

徐仁則

徐仁則字伯敬世為奉化大族早孤奉母鞠弟至行

有聞於時家貧益自勵嗜字學有能名王公碩儒皆

慕重之

廼賢金
臺集

桂梓

桂梓字材甫饒之安仁縣人幼而機敏不隨常兒嬉

狎刻意工字畫

侯菴集

陳穎達

陳穎達官太常善飛白書

陳高不繫舟漁集

桂春山

桂春山號漫翁著草韻清臞峭勁精密妙巧盤旋迴

斡字字中度

黃淵四如先生文集

上官叔權

上官叔權善篆隸

雪坡集

趙杰

趙杰吳興人趙魏公之後行楷宗家學

書畫史

鄭琮

鄭琮字叔方書法得鍾繇筆意一時號能書

鄭玉師山集

汪罕

汪罕官主簿工書善畫所至醉墨淋漓人爭取之以

為奇玩

同上

王子玉

王子玉筆工也兼能書

周權此山集

湯彌昌

湯彌昌字師言吳郡人博學能文初授長洲教諭鄣

江清獻兩書院長轉建寧路教授

袁易靜春集

湯彌昌善書

詹氏小辨

程大本

程大本雪樓文憲公子官至奉直大夫祕書監嘗與

馮道恭書度人經其父跋之

劉璋書畫史

高暹

高暹蜀人善草書

唐同天衛舒嘯集

翟炳

翟炳字欽夫林州人詩效樂天體尤善楷書道勁可

法與同邑王鼎字大龍賈竹字彥清俱工翰墨能詩

隱居不仕時稱林慮三隱人

續弘簡錄

馬孟昭

玉山雅集詩序云今夕之會誠不易得趙善長秉筆

作圖余索孟昭楷書以識

玉山璞藁

呂誠

呂誠字敬夫吳之東倉人幼聰敏喜讀書尤精楷法

玉山草

堂雅集

沈明遠

顧德輝玉山草堂春暉樓綠波亭吳興沈明遠隸顏

玉山名
勝集

張遜

張遜字仲敏姑蘇人博學善屬文書畫俱絕

玉山草堂雅集

李元珪

李元珪字廷璧河東人書法如困學

玉山草堂雅集

李廷璧作行草勁爽可愛

唐東圖
玄覽

陳方

陳方善書

唐氏
小辨

陳方字子貞京口人寓於吳鄭明

德張伯雨倪元鎮皆與之游晚主無錫華彥清家後

不知所終

劉鳳吳先賢讚

錢惟善

錢惟善字思復錢塘人號曲江居士又自稱心白道人官至副提舉張氏據吳退隱吳江之筒川工書法

其卷冊多留傳人間

續弘簡錄

陳岳

陳岳字申甫不著里籍隱居天台之委羽山善書畫

陸樹聲
題跋

張玄度

張玄度好學工詞翰

雲林集

盧彥昭

盧彥昭海虞人元季嘗從楊鐵崖游詞翰皆清雅可

觀自號絲桐老人

乾翁家藏集

幹哩元賓

幹哩元賓累官監杭郡善書治跡名可稱焉

梧溪集

圖烈圖

圖烈圖字敬夫唐古氏燕山人年甫冠及第授集賢

修撰累遷南臺御史

梧溪集

圖烈圖善大字

書史會要

李介石

李介石字守道以書見省臣命草符檄遂器重之授

松江府提控按牘從守鎮江王逢有寄李守道詩云

西湖有奇士少負不羈才酒外嗜八分席地畫青苔

梧溪

集

介石以儒術飾吏事亦能古隸

書史會要

張樞

張樞字夢辰陳留人徙家華亭工行楷日與子弟數

十人講春秋或勸之仕不應人以是高之稱曰林泉

民

梧溪集

陶南邨贈夢辰詩云寫書竹簡拈鮮碧臨

帖藤箋搨硬黃

南邨集

任序

任序字本初學古近體詩句法圓熟興趣清遠臨歐

陽率更帖尤得其筆意

汪克寬
環谷集

藍仲晦

藍仲晦書三體千文清健雅麗沈著痛快篆得古意

草隸無一脫法無一敗筆

吳海聞
過齋集

張梅間

張梅間出劉桂隱先生之門工吟咏尤善行草書

周震

震石

初集

趙良弼

趙良弼字君卿東平人補嘉興路吏調杭州善書

楊晉

楊晉字昇之學顏書頗整巧

鐵網
珊瑚

魏雲瑞

魏雲瑞字祥卿鄂之蒲圻人善學米南宮書得之者

如獲拱璧

潛溪
集

戴士垚

戴士垚字仲積婺之浦江人喜作唐古體詩工晉楷

法

潛溪集

張明卿

張明卿字子晦天台人為文章有臺閣體游戲翰墨

筆法穠逸可玩

潛溪集

葉孝墅

葉孝墅世居天台雅志好學善楷書煉金石草木為

丹劑稱精妙

夷白齋集

楊翮

楊翮字文舉金陵人元末提舉浙江學校楊孟載悼
楊文舉詩云八分書古追東漢七字詩工到盛唐

眉菴

徐恢祖

徐恢祖常熟人至正末嘗集鄉兵捍閭里里人賴之

別號春軒工草書

篁墩集

邵光祖

邵光祖字弘道博學好古於字學尤精研窮六書之

旨有以先賢康節子孫論薦於朝不報張士誠據吳
授湖州學正亦不赴以布衣終其身

吳中人
物志

王璪

王璪字仁仲吳縣人學有淵源工詩章書翰尤善鼓

琴隱居不仕自號城南逸民

吳中人
物志

朱燧

朱燧字子新吳郡人勵志苦節工為詩詞尤善行草

肆情山水遇酒輒醉居笠澤之濱後不知所終

吳中
人物

志

孫華

孫華字元實永嘉人僑居華亭誦經考史以博雅聞
尤好岐黃家用薦為醫學教授好修潔所居小閣列
古彝鼎法書名畫焚香靜坐終日書非佳墨熟紙不

作

浙江
通志

俞庸

俞庸字子中華亭人仕為推官書法趙吳興

松江
府志

沈性

沈性字自誠吳興人少孤養母以孝聞善吟唐人詩

工八分小篆

書畫史

吳壽民

吳壽民字仲仁與吳中文士唱和詩辭旨清麗書法

道美悉出錢良佑翼之所授也

甫田集

楊瑀

楊瑀字元誠錢唐人警敏博學天曆間召見奎章閣

命篆洪禧明仁璽文稱旨署廣成局副使終建德路
總管謝政居松江之鶴沙趙仲穆為寫竹西圖

松江府志

王楠

王楠字公玉嵯縣人操行端慤能詩文且工篆楷

戴冠

紹興志

申屠澂

申屠澂字敬仲諸暨人受業黃文獻公之門得其淵

源工古文辭精篆籀小楷足配秦晉

孫鑣紹興志

柴貞

柴貞南和人為晉寧州學正善楷書古篆

瞿濟遠南和縣志

朱旭

朱旭字子陽為中顯校尉海道千戶不樂仕進退居

田間從士大夫遊通經史工小楷篆隸

太倉州志

成廷珪

成廷珪字元常興化人種竹幾百竿號居竹博學工

書

興化志

劉堪

劉堪字子興嘉善人至正間隱居讀書工文辭善古

隸

章士雅
嘉善志

馮寅賓

馮寅賓屬文蒼古峭拔書法清勁逼鍾王

尹臺永
新縣志

王得貞

王得貞字義方霍州人至正間為懷慶路總管攻詩

有聲書得草聖之妙

山西
通志

程祺

程祺字子相新城人日記萬言詩篇敏給工書欲與

鮮于樞抗衡趙孟頫相高下

王材江西
新城縣志

崔彥暉

崔彥暉錢唐人號雲林生與王蒙皆吳興趙氏甥隱

居賣藥善篆隸詞賦

陳善杭
州府志

熊夢祥

熊夢祥字自得江西人通羣書旁曉音律能作數體

書以茂才舉教官輒棄去放意詩酒游淮浙間卜居
婁江上自號松雪道人與顧仲瑛為忘年交

錢肅樂
太倉州

志

李世英

李世英字伯英長州人精書學作韻類其義以字為
本音為幹義訓為枝葉自一而二井井不紊凡十年

而成書

蘇州
府志

邵祖義

邵祖義官池州學錄能詩工篆隸

顧清松江志

范寧

范寧池州人善楷書

馮瞰徐州志

李希文

李希文任伴讀精篆隸

歐陽東鳳興化縣志

張端

張端字希尹江陰人博學能文尤精書翰累官江浙

都事

常州志

程政

程政績溪人能詩工書

徽州府志

烏延思敬

烏延思敬字子敬色目人寓居東平自稱齊東野老

善書法精於賞鑒

山東通志

張如遇

張如遇東昌人七歲能書大字有司薦於國學

山東通志

周起巖

周起巖福山人博覽經史尤長於書法屢舉不第隱

居於邑北村中

山東
通志

顏耕道

顏耕道平江人博古工於詩尤善草書隱居以詩自

娛築室黃山號林泉野老

湖廣
通志


陸定龍

汪珂玉元名公翰墨卷有谷陽陸定龍書

珊瑚
網

高明

高明字則誠永嘉人 式古堂書畫攷有高則誠寄
倪仲權詩并識卷行楷書



六藝之一錄卷三百五十八

欽定四庫全書

子部

六藝之一錄卷三百五十九

詳校官中書臣陸湘

貢外郎臣牛稔文覆勘

總校官檢討臣何思鈞

校對官中書臣陸湘

謄錄監生臣王宮

欽定四庫全書

六藝之一錄卷三百五十九

錢唐倪濤撰

歷朝書譜

元

楊維禎

楊維禎字廉夫號鐵崖會稽人擢進士第署天台尹
陞江西儒學提舉避地富春山徙錢唐張自誠累招
之不至行草書雖未合格然自清勁可喜

劉璋書
畫史

鐵崖不以書名而矯傑橫發稱其為人

懷麓堂集

楊鐵崖遺墨

大將班師三軍奏凱破斧缺斨倒載而歸此書或似之清癡筆翰好奇宜其珍重若予之淺陋則未能學也

匏翁家藏集

楊鐵崖書真境菴疏

浙西儒學提舉楊先生廉夫元季寓於吳中多往來僧廬道院此真境菴疏之所由作也菴在上海縣東

北二十里其曰募緣天隱子者唐司馬承禎字子微
乃道家者流而先生之書之者大抵古人作疏率多
借重如是

寓意
編

楊鐵崖書棠城曲

楊鐵崖奇人也不過其時不償其志遂奇其歌辭并奇
其蹤跡此曲之因則蹤跡與歌辭奇甚矣聊以舒其
懷抱不平之氣然天壤間無此事則已有之而非此
等人為之誰更為之者或謂其為此以擬芙蓉城文

人結習耳然千古騷客亦嘗為之以自廣乃胸無是塊磊所欲舒者何物如有之則天上人間無往不實何獨仙境一仙官足以為道人重况靳予之哉字亦奇為書此天啟丙寅五月後

墨林快事

倪瓚

倪瓚字元鎮無錫人也強學好修性雅潔所居有閣名清閬喬木修篁蔚然深秀故自號雲林雅趣吟興每發揮於縑素間蒼勁妍潤尤得清致晚益務恬退

黃冠野服浮遊湖山間

周南老雲林先生墓誌銘

倪瓚書從隸入輒在鍾繇薦季直表中奪舍投胎古

而媚密而疎

徐渭文長集

雲林書師大令無一點俗塵

何良俊四友齋叢說

倪元鎮書學楊義和黃素黃庭

六研齋筆記

倪雲林二帖

倪先生人品高軼風神玄朗故其翰札語言奕奕有
晉宋人風氣雅慎交遊有所投贈莫非名流勝士右

二帖一與慎獨有道一與寓齋先生慎獨為陳植叔
方寓齋為袁泰仲長皆吳人陳之父曰寧極先生名
深字子微袁之父曰靜春先生名易字通甫二父皆
先宋遺老抱淵宏之才高不仕之節故二公淵源之
學皆歸然為吳中師表特與倪公相善倪遊吳中多
於二陳氏及周正道家二陳其一為陳惟寅汝秩其
一即慎獨也慎獨之孫紹先嘗仕為王府教授袁之
孫某嘗仕為都察院檢校三十年前猶存余雅不及

識然聞其人皆有前輩典刑今其子孫零廢理言遺
事往往散落人皆得而寶之此則吾友黃郡博應所
藏間徵予題為疏其略如此

甫田集

王蒙

王蒙字叔明號黃鶴山樵吳興人趙文敏公之甥強
記力學作詩文書畫盡有家法

玉山草堂雅集

王叔明溪南醉歸詩

此元人王蒙所書溪南醉歸詩而吾里李氏所藏也

蒙字叔明自號黃鶴山人為趙文敏公外孫玄度玄
實則張氏為宜興人兄弟並尚文雅一時士大夫多
與之交故蒙書此遺之蒙以畫名今讀其詩甚流麗
而其書頗似其舅可藏而玩也吳寬題曰人嘗見黃
鶴山人畫皆稱再世王維山人之學書間見此紙尤
為悚人當不在趙魏公下魏公信居不有之譽而山
人亦盡曷有之美矣後學沈周跋

珊瑚網

吳鎮

吳鎮字仲圭號梅花道人嘉興魏塘人善書畫為人

抗簡孤潔高自標表

孫作蒼螺集

仲圭草學訢光

書史會要

梅道人書作藏真筆法古雅有餘

六研齋二筆

黃公望

黃公望字子久後更名堅號一峯又號大癡道人常

熟人徙富春

式古堂書畫彙考

黃子久書世說新語

黃子久好作小楷圓熟中饒古意別有一種韻度蓋自趙文敏公而下指不多屈定在俞和倪瓚以上今觀所書世說新語如飛鳥依人翩翩可喜真賞者當

亟購也

書畫舫

顧德輝

顧德輝字仲瑛別名阿瑛崑山人舉茂材署會稽教諭力辭不就隱嘉興之合溪自稱金粟道人至元之季子元臣為水軍副都萬戶仲瑛封武略將軍飛騎

尉錢唐男

靜志居詩話

金粟道人顧君墓誌銘至正戊戌顧阿瑛自製并書

朱珪名

蹟錄

金粟手筆未得多見行楷楚楚奄有洛神畫贊風範

六研齋

二筆

王逢

王逢字原吉江陰人避亂於淞之清龍江復徙上海之烏涇築草堂以居自號最閑園丁張氏據吳大府

交辟堅卧不就

靜志居詩話

原吉才氣俊爽其屬辭於詩尤長作行草初非經意

大率具書家風範

書史會要

李祈

李祈字一初號希遽又號危行翁茶陵人李齊榜進士為江浙儒學副提舉楷法精甚大書行草亦道逸

含古意

懷麓堂集

李希遽真蹟

右希蘧府君題朱澤民山水圖真蹟長句有名及字
印各一而無畫崑山許翀鴻高所藏鉅卷皆元諸人
詩翰此其一也原博吳先生見而說之曰此在子卷
不過三十之一無之不為闕在其子孫則千金之寶
也子何惜三十之一以為千金之饋乎他日以諾告
且曰為我作海月菴記即可致矣記成而詩果至又
數日陸先生廉伯以澤民畫一軸為贈上有空楮取
是詩較之不爽分寸即裱於其上觀者不能辨其為

二物也嗚呼千將鎔錡千載離合世間此事似亦有
鬼神之力雖府君有靈不能不為之憮然况為之子
孫者乎軸頗舊不復裝飾所以存故實彰竒異使來
世益愛護永不散失而二先生各題其傍以識其所
從得云

懷麓
堂集

李位

李位祁子李東陽書雲陽集後云希蘧府君詩文集
十卷家有舊本題云男位編集字畫瘦勁有家法

懷麓

堂集

吳毅

吳毅富春人鐵厓門人以詞翰名家

甫田集

沈右

沈右字仲說號寓齋故吳中富家其文學行誼皆有

足重而出處之蹟不少概見書法最精

甫田集

朱珪

朱珪字伯盛吳人工古篆籀精於六書之義

鐵網珊瑚

珪從吳廩授書法凡三代金石靡不極意規倣

蘇州志

褚與

褚與字士文錢塘人篆隸專學吳睿惜其不能以古

人為師伎遂止於此耳

書史會要

崑山重修學宮碑褚

與書并篆額

周伯琦

周伯琦字伯溫饒州人以蔭授南海縣主簿三轉為

翰林修撰帝以伯琦工書法命篆宣文閣寶仍題扁

宣文及摹王羲之蘭亭序智永所書千字文刻石閣
中招諭平江張士誠拜江浙行省左丞留平江者十
餘年伯琦博學工文章而尤以篆隸真草擅名當時
嘗著六書正訛說文字原二書

元史

至正間初改奎章閣為宣文朝臣咸謂必命庠序書
榜時周伯琦雖在館閣精篆書未為上知庫庫日令
書宣文閣榜十數紙周不識其意一日有旨庫庫書
閣榜辭曰臣所能者真書不古古莫如篆周伯琦篆

書今世無過之者上如其言名之書由是進用

天都戴

伯琦篆師徐鉉張有行筆結字殊有隸體正書亦善

書史

會要

伯琦古篆得文敏公遺意字頗肥而玉潤可愛

鐵網珊瑚

周伯溫書相鶴經

元周伯琦書相鶴經自稱谷陽生跋云右經一卷廼浮丘公授王子晉之書也崔文子學道於子晉得其文藏嵩山石室中淮南王采藥得之遂傳於世又系

一詩云江南羽化張天雨海上神交宋仲溫楷法鍾
繇稱獨步草臨皇象已專門折釵未墜風前股漏屋
先凝雨後痕寄語臨池諸俊彥蚓蛇馳驚莫須論

六研

齋二
筆

周宗仁

周宗仁字克復

伯琦子

官山東行省郎中篆書宗家學

然不逮父

續弘
簡錄

蔣冕

蔣冕字啟端工小篆從游周左丞伯溫之門

吳中人志

饒介

饒介字介之臨川人自翰林應奉出僉江浙廉訪司事張氏入吳慕其名以為淮南行省參知政事家采蓮涇上日以觴咏為事書似懷素詩似李白自號華

蓋山樵亦曰醉翁

靜志居詩話

饒介草書亦飄逸

書史會要

饒介書圓勁暢朗神追大令

六研齋筆記

饒介之蕉池積雪卷

華蓋山人書若驚鴻躍鯉無窘束留滯之迹為可尚
已此篇非其所識烏知不為句曲哉且蕉池積雪凜
然清介之操當官者所宜玩心也吾友袁君文理有
契於此寶藏久矣今為遂安令將行持以求題因書
此以歸之吳郡金問觀於玉堂之署時宣德二年七

月壬寅也

式古堂書
畫彙考

斯卷乃饒介之臨張伯雨書劉師魯諸作字法遒勁

藏圓動於筆端真可寶者也淮南慙翁蔣誼同

上

饒介之草書

余嘗怪古人評書而草獨以聖名夫書而至於聖亦精矣然夷攷其人皆有超世絕俗之才不得盡用於世故於是焉發之昔韓文公論書至與堯舜禹湯治天下並稱有以哉臨川饒公介之學問器識卓然為士大夫翹楚而其嚮用於世蓋所謂鸞鳥舉而風迫之也書特其餘事耳然近來所書尤瓌詭逸羣可喜

公豈欲以書擅當世哉然觀其勢殆不至於聖不止

也

夷白齋集

饒介之詩冊

饒介字介之號醉樵嘗仕張士誠能詩攻書法擅名當時宋仲溫宋昌裔皆出其門此冊介之手筆余得

之廬陵劉彥信

東里續集

饒介之草書韓柳二文

韓柳文妙絕今古送孟東野序梓人傳乃其尤者元

臨川饒介之為易久成書此蓋有深意不特字畫之妙而已介之名介仕偽吳淮南行省參政號華蓋山樵又號醉樵此曰華蓋洞酒史兼二號而云也久成名恒讀書工詩吾郡之崑山人

寓意編

蘇大年

蘇大年字昌齡號西坡真定人居揚州工八分行書

書畫

史

大年元末官翰林編修避兵居吳張氏開藩特見知

遇用為參謀稱為蘇學士

靜志居詩話

俞和

俞和字子中號紫芝生杭人

式古堂書畫彙考

和冲澹安

恬隱居不仕能詩喜書翰早年得見趙文敏運筆之法臨晉唐諸帖甚夥行草逼真文敏好事者得其書

每用趙款識倉卒莫能辨

陳敬亭杭州府志

俞和以書鳴洪武初後進猶及見之

解縉書學傳授

俞紫芝書悟真篇

張平子悟真篇仙道指南道光子野所著不知能得其旨意否此卷為俞紫芝所書深得松雪筆意而圭角稍露比之松雪正如獻之之於羲之也清癖劉君深知書法試共商確之弘治壬戌正月廿日海虞桑

悅書

書畫題跋記

俞子中襟詩帖

俞紫芝書筆意清婉姿態豐潤蓋兼得趙松雪之神魄至不能辨其真贋可愛也使能用心於跳天門而

卧鳳閣噫其可量也哉四明陳敬宗謹題

式古堂書畫彙考

俞子中書急就章

錢唐俞和子中頗得趙魏公三昧此帖以宋經箋紙用章法書急就章覺古色藹然令人不忍釋手按章法自皇象索靖後惟右軍父子豹奴孫權二帖至唐蕩盡黃長睿始振之然往往筆下不逮意子中獨能尋考遺則於斷墨殘楮遂與仲溫並驅昔孔北海思蔡中郎見虎賁貌類者輒引與同飲曰雖無老成人

尚有典刑俞此紙覽之能不興北海之賞乎

弇州山人藁

俞紫芝四體千文

題跋已見

高昉

高昉未詳何許人官中書右丞嘗篆江右番君廟碑

額

書畫史

孔叔平

孔叔平未詳何許人嘗為史官能古隸

同上

唐懷德

唐懷德字思誠婺人嘗為衢路學錄精字學得虞伯

施法有書學指南傳世

同上

王堅

王堅字學周號坦坦道人書蹟宗趙魏公

書畫史

曹本

曹本未詳何許人善篆書

書畫史

趙衷

趙衷字原初吳江人世本業醫能篆隸號東吳野人

書畫

史

朱宜民

朱宜民不知何許人工隸書

書畫史

完顏子周

完顏子周末詳何許人居吳興之霅溪工篆書

書畫史

陳子翬

陳子翬兼工草書

書史會要

陳子翬字象賢奉化人負

器幹精藝文書法李邕嘗為慶元路教諭

張文盛

張文盛字彬之秣陵人長於詩工草隸

書史
會要

湯熒

湯熒號箕山瀏陽人進士及第能篆

書史
會要

張裔

張裔字朝宗能真草

書史
會要

王奇

王奇字文顯潞州人作草間有可取者

書史
會要

莫昌

莫昌字景行武林人隸亦古拙

書史
會要

艾斐

艾斐字季成臨川人博學多才善隸書

書史
會要

鄒偉

鄒偉字元偉南昌人學藝淵博善真草篆隸

書史
會要

張去偏

張去偏字從正餘干人有學行善真草

書史
會要

范居中

范居中字子正武林人亦工筆札

書史
會要

鄭炳

鄭炳字元炳餘姚人書蹟似晉人

書史
會要

杜從訓

杜從訓字義方鄆城人官至江陰州尹書效蘇黃

書史

會要

張伯仁

張伯仁字至道閩人善篆及行草

書史會要

汪正

汪正字大雅四明人工八分書

書史會要

李林

李林字九臯錢唐人古隸學受禪表

書史會要

陳謙

陳謙字伯謙天台人正書師虞永興

書史會要

王禮

王禮字禮仲揚州人篆宗張謙中

書史
會要

何仲章

吳志行

呂中立

鄧學可

陳宗亮

卓習之

朱俊卿

徐子愚

何仲章吳興人吳志行錢唐人呂中立會稽人鄧學

可維揚人陳宗亮諸暨人卓習之慶元人朱俊卿武

陵人徐子愚嘉禾人皆留心翰墨有聲於時

書史
會要

陳秀民

陳秀民字庶子溫州人博學善書至正中為武岡城

步巡檢知常熟縣張氏時為參軍歷江浙行中書省

參知政事翰林學士

靜志居詩話

李繹

李繹字叔成錢唐人仕張氏以文詞翰墨名家

甫田集

宋嘉禾

宋嘉禾上黨人潛心書畫

書史會要

內臣張仲壽

張仲壽字希靜號疇齋錢唐人官至翰林學士承旨

行草宗義獻甚有典則亦工大字

書史會要

石刻

尚師簡

世祖時人

渤海郡侯歐陽公神道碑尚師簡篆額

高翹

世祖時人

篆書道德經碑高翹書

許復

成宗時人

都城隍廟碑許復書

沈德新

成宗時人

艮山土神廟碑沈德新記并書

王士弘

虞集方山定林寺碑王士弘書

伊嚕布哈

黃潛重脩學記伊嚕布哈書

許思敬 貢奎神道碑銘許思敬篆額

姚慶 天寧萬壽寺神御殿碑姚慶篆額

魏必復仁宗時人 護持天開中院記魏必復撰并書

廉簡 護持天開中院記廉簡題額

高昉仁宗時人 趙孟頫書番君廟碑高昉篆額

鄭東 楊希賢 瑞雲精舍記鄭東撰并書楊希賢篆

額

劉聞大 永新龍母吳氏墓銘劉聞大書

劉惟一 朝元觀碑劉惟一篆書

浦源 景德寺旁石刻安扎爾室人童氏祠記浦源書

繆貞 常熟致道觀虞山福地繆貞篆書李烈士碑繆

貞隸書

烏蘭哈達 平徐碑烏蘭哈達奉敕書

楊剛中 閭丘公祠記楊剛中篆書

劉仁本 至正脩學記劉仁本撰并書

范庸 順宗時人 謁司馬溫公墓詩范庸書撰

趙穀

順宗時人

謁中鎮崇德靈應王廟詩趙穀撰并書

莊文昭

順帝時人

余闕都城隍廟碑莊文昭書

王敬方

吳鐸至正七年褒封水記王敬方書吳鐸

篆額

葛禪

順帝時人

大都崇國寺重建碑葛禪書

歐陽光侯武略將軍宋侯墓碑歐陽光書

朱桓贈畫師朱叔重序朱桓書

劉彥明魏泰咸陽懷古詩石刻劉彥明書

王興祖 池州路徙建憲司分治記王興祖隸書

陳邁 楊維禎武林弭災記陳邁書

余銓 故殷處士墓碣余銓書

道士孫德或 馬丹陽真人碑孫德或書

道士李道謙 金重陽王真人碑李道謙書

道士李志宗 重修說經臺碑李志宗書

道士杜道堅 希聲堂碑杜道堅書

釋定

成宗時人

香河縣坊市西道院仁公塔院記比丘僧

定書

釋法禎 崇國寺隆安選公傳戒碑釋法禎書

釋福珪 天開寺碑沙門福珪撰并書

至元三年

釋正印 實際川禪師影堂逸事釋正印書

釋弘注 天開寺碑沙門弘注撰并書

至正十一年

牛師厚 固安縣關侯廟扁延祐五年翰林編修官牛

師厚書

道家

天師張與材

張與材字國梁號薇山別號廣微子封留國公作大

字有法草書亦佳

書史
會要

天師張嗣成

張嗣成號太玄與材子亦善草書

書史
會要

宗師吳全節

吳全節號閒閒番陽人制授特進上卿玄教大宗師

崇文弘道玄德廣化真人草書亦英拔

書史
會要

真人丘處機

丘處機字通密號長春登州棲霞縣人詔贈長春演

道主教真人行草宗黃山谷

書史會要

真人薛玄義

薛玄義字玄卿號上清外史貴溪人行書得體

書史會要

玄卿為學弘博好古書法為詩有飄飄凌雲之風

道園

學古錄

玄卿早工於詩四方傳誦風日清美輒賦詩為行草

書

侯菴集

道士方從義

方從義字無隅號方壺貴溪人工詩文善古隸章草

書史

會要

道士祝玄衍

祝玄衍號丹陽貴溪人能大字

書史會要

道士張雨

張雨字伯雨號句曲外史

一名天雨號貞居子

錢唐人博聞多

識善談名理作詩自成一家字畫亦清逸

書史會要

文侍詔云貞居書法先學松雪後入陶隱居稍加峻

厲便自名家

袁中道游居錄

貞居書師李北海間學素師雖非正脈然自有一種

風氣

四友齋叢說

張伯雨書性極高人言其請益趙魏公公授以李泰

和雲麾碑書頓進日益雄邁魏公平日學泰和得其

舒放雍容而伯雨獨得其神駿所以不同

六研齋三筆

張外史自書雜詩卷

右句曲外史與袁子英所寫詩凡五十五篇其首兩
章廼此老道人效余鐵崖者也如道言清齋澗阿諸
詩皆其道趣中流出者若奔月卮則又頑仙之橫出
者吁道人仙去已一紀矣鐵崖之友屬之何人開卷
愴然不勝山陽之感云至正二十有一年花朝日抱
遺叟楊維禎在清真之竹洲館書

鐵網
珊瑚

貞居先生清詩妙墨飄飄然自有一種仙氣信非塵

俗中人也此卷手書以遺余者屢經兵燹似若有神
物護持泉南陳君彥廉好古博雅與予同志故割愛
以贈壬子夏六月望後三日汝陽袁華書

同上

予觀在昔右文之際文章翰墨益莫盛乎東南矣不
惟列侍從居館閣者皆彬彬文學之徒至於方外名
流亦或負其清才絕藝擅名一時之勝故釋氏之徒
有笑隱訢上人道家者流有貞居張外史皆以詩文
篇翰照映乎山林而與虞趙歐黃諸君子接交於後

先迭響乎中外於是東南文物之盛殆前古所未聞
今觀陳氏所藏外史墨蹟一卷能詩者或無此書能
書者或無此詩外史蓋兼之矣慨名筆之流傳念昔
人之凋謝江空歲晏不無有繼遺響者乎覽卷為之
惘然吳郡謝徽識

同上

卓居早學書於趙文敏後得茅山碑其體遂變故字
畫清道有唐人風格詩則出於蘇黃而雜以已語其
意欲自為家也唐宋以來浮屠氏之能詩與書者甚

衆然亦不能兩美况道流之久乏人哉此其自書雜詩也古律行草各臻其妙宜子英之慎與而彥廉之喜得也高啓識

同上

貞居真人詩文字畫皆為本朝道品第一雖獲片紙隻字猶為世人寶藏况彥廉所得若是之富且妙邪舒展累日欣慨交心噫師友淪沒古道寂寥今之才士方高自標置予方憂古之君子終陸沉耳吾知前人好修不以為賢於流俗而遂已不患人之不知栗

里翁志不得遂飲酒賦詩但自陶寫而已豈求傳哉

倪瓚題壬子初月八日

同上

貞居詩如月底疎松雲間修竹字畫則若遠塞驚鴻
春池科斗非特不染塵俗塵俗自不能染耳張紳

同上

張貞居以詩名湖海而翰墨尤為人所重片縑尺楮
往往見之蓋未有若此之富盛者也孫過庭云一時
而書有垂有合心遽體留日炎風燥皆其垂也神怡
務閒時和氣潤偶然欲書皆其合也今貞居自言自

春徂夏陰雨至五月之久故閒弄筆研以自料理則
非心遽體留日炎風燥正所謂神怡務閒時和氣潤
偶然欲書耳宜其聯篇接簡不覺其多而濃纖間出
清婉流麗有合於古人之度也其詩傳諸人口已有
定論特語其書如此彥廉好古博雅必能加寶愛矣

蘇人王行題

同上

張貞居生平慕米南宮之為人嘗為著中岳外史傳
故其論議襟度往往類之獨其詩句字畫清新流麗

有晉唐人風流不蹈南宮狂怪怒張之習豈非獨其
學問使然亦由貞居寄蹟方外不為聲利所累而又
居東南形勝之邦獲見故都文獻之懿優游林壑以
養其真氣故其發於詞藻者如此今去貞居卅餘年
耳使人望而企之若古仙人可勝歎哉友人陳彥廉
氏得其翰墨一帙皆平生得意作也予家與貞居世
契展咏之餘益增感舊之思云尋陽張來儀識

僕生平最嗜外史詩集中諸律畧皆上口僭評其高

處當為元人第一家妄論是信不必世人之同也故
其真蹟所在特深貴之唯姚侍御家有藁一冊時獲
寓觀以為樂事其他所見簡短寂寥無足充余嗜者
戒卿何幸乃富有之如此當知貞居踪跡流落人間
雖有存者斷不能與之為敵矣使僕時時來過出而
閱之味其點畫求其興致以開余情不亦暢乎晚學

楊循吉謹題

松籌
堂集

道士鄭樗

鄭樗字無用號空同生盱江人作古隸初學孫叔敖

碑一時稱善後乃流入宋季陋習無足觀者

書史會要

道士趙宜裕

趙宜裕大梁人善古隸

書史會要

道士孫德或

孫德或字用章眉山十一歲為道士未嘗忘讀書

武宗賜真人號仁宗累加恩命管領諸路道教居終

南山重陽宮

道國學古錄

馬丹陽真人碑孫德或書

道士周蘭雪

周蘭雪信州人能篆隸

書史
會要

道士蕭善齋

蕭善齋號宗淵至正間人工隸書有書道德經傳於

世

書史
會要

道士蕭登

蕭登字從善工隸書

書畫
史

釋氏

釋帕克斯巴

帝師帕克斯巴土波國人采諸梵文創為國字

書史會要

釋溥光

釋溥光字玄暉號雪菴俗姓李氏大同人特封昭文館大學士賜號玄悟大師為詩冲澹粹美善真行草

書尤工大字國朝禁扁皆其所書

書史會要

趙松雪過酒肆見帘字駐視久之謂當世書無我逮者而此書乃過我問知為雪菴李溥光也因薦之朝

懷麓

堂集

釋雪菴書杜詩

前元士大夫多善書者其大字獨稱雪菴學士為第一此菴老杜送孔巢父詩乃雪翁真蹟其莊重遒勁如端人節士莫可狎玩真有得乎顏氏家法後之作大字者見之當不止於退三舍也

寓意編

釋溥光書大字

雪菴俗姓李名溥光以善書選授昭文館大學士溥

光通儒書能古文詞大書視小字尤勝實有可傳者
不繫其官也故凡有所書及著作皆不繫銜其所見
亦過人矣彼負藝不精及非所當藝而業之以躡等
倖進者又此衲之罪人哉

篁墩集

釋溥光書茶榜

題跋已見

釋溥圓

釋溥圓字大方號如菴河南芝田人居燕京能師於
溥光為法弟遂學其書

書史會要

釋至溫

釋至溫字其玉號全無邢州郝氏子也博記多聞論辨無礙百家諸子之言多所涉獵又善草書有顛素之遺法太保劉文貞公薦至溫可大用召見將授以

官弗受賜號曰佛國普安大禪師

道園學古錄

釋可中

釋可中字南山天台人真草師晉人甚工

書史會要

釋祖瑛

釋祖瑛字石室吳江人書學趙魏公

書史
會要

釋允

釋允字中巖錢唐人書學趙魏公

書史
會要

釋梵琦

釋梵琦字楚石慶元人工行草有書名

書史
會要

釋大智

釋大智字南溟天台人工正書

書史
會要

釋克新

釋克新字仲銘番陽人能文有雪廬集亦能古隸

同上

釋夷簡

釋夷簡字易道義興人書師張雨

書史會要

釋靜慧

釋靜慧字古明松江人正書師虞永興甚得其法但

欠清婉

釋密詣

釋密詣字道初天台人書師虞永興

書史會要

釋慧敏

釋慧敏字仲膚天台人正書學晉兼能篆

書史會要

釋道原

釋道原字竺隱天台人能詩文行草有法

書史會要

釋永芳

釋永芳字草庭書學張旭

同上

釋明本

釋明本書類柳葉雖未入格亦自是一家

書史會要

釋

明本號中峰錢唐人居天目山仁宗賜號廣慧禪師
憇止處曰幻住山房手書遺蹟留院中者甚多賜謚
普應國師

釋劉順

釋劉順住天目山有法語真跡小真行書

珊瑚網

釋宗衍

釋宗衍字道原吳人善書法至正初住石湖楞伽寺

碧山

堂集

釋懷深

釋懷深號慈受工字畫筆意圓熟動中規矩

潛溪集

釋行端

釋行端字景元一字元叟臨海儒家何氏子年十一

得度於餘杭之化城寺以餘力施於篇翰尤精絕古

雅

寒拾里人集

釋誠道元

釋誠道元號覺隱喜作狂草所書吳江長橋歌一首

極雄宕可喜

六研齋
二筆

龍巖上人

龍巖上人善草書蒲道源贈詩云韓公浮屠多技能
祇今復見龍巖僧高閑懷素去已久肯向死灰求續
燈手追心慕忽有得筆底煥然無滯疑鐵為門限自

茲始但恐紙價相仍增

蒲道源閑
居叢藁

婦女

管夫人道昇字仲姬吳興人

趙魏
公室

延佑四年封魏國夫

人翰墨詞章不學而能心信佛法手書金剛經至數十卷以施名山名僧天子命夫人書千文勅玉工磨玉軸送祕書監裝池收藏又命孟頫書六體為六卷雍亦書一卷且曰今後世知我朝有善書婦人且一家皆能書亦奇事也

松雪齋集

管夫人書牘行楷與鷗波公殆不可辨同異衛夫人

後無傳

書畫眼

王夫人名圭卿號春溫曹伯啟題王夫人書畫卷後曰

畫傳當代功尤妙字學前賢體更多

漢泉漫葉

巴達氏呼圖克郡王太夫人也長清縣靈巖山寺中碑至

治元年巴達氏有詩二句曰巖前松檜時時綠殿上

君王歲歲春大字刻之不類婦人筆

金石文字記

趙夫人鸞字應善永寧將部氏中書平章世延女中書參

政許有壬室朗惠厚靜能琴書善筆札

書史會要

游夫人雷機母延佑間贈建安郡太夫人善書而有文

潛溪

集

危氏諱德馨雷機室贈建安郡君通書記作字有楷法

潛溪

集

徐氏如珪鄭天覺妻通論語孝經大義工書亦有法

貝璣

清江集

劉氏不知何許人孟運判妻也性巧慧能臨古人字吐

咄逼真

書史會要

柯氏天台人九思之女通經史善筆札

書史會要

段氏天祐之女能詩章善筆札

書史會要

士女曹妙清自號雪齋錢唐人善鼓琴工詩行書點墨
皆有法度三十不嫁風操可尚嘗寫詩寄鐵崖鐵崖
答之云紅牙管蒂紫狸豪雪水初融玉帶袍寫得薛
濤萱草帖西湖紙價可能高玉帶袍其硯名

名媛詩話

陳士幼能書適南潯姚氏一意奉佛有手書觀世音普

門品趙榮祿題其後

六研齋筆記


劉氏名梁園秀歌兒也才藝精妙喜文墨能作樂府時

吟小詩亦佳字畫楷正

書史會要

比丘尼妙湛管夫人為寫長明菴圖妙湛小行書題其

上
珊瑚網



六藝之一錄卷三百五十九